

廿二史考異

唐書九

廿二史攷異四十九

錢大昕學

方鎮表五

至德元載置淮南節度使以高適爲之

領揚楚滁和壽廬舒光蕲安黃申沔十三州治揚州尋  
以光州隸淮西此當書郡名乾元以後乃改稱州  
耳東川節度領梓遂等州江東領杭州亦當稱郡名  
又按方鎮表第四是年置淮南西道節度使領義陽  
弋陽潁川滎陽汝南五郡義陽卽申州也當云尋以  
光申二州隸淮西淮南所領止十一州耳

二載置江東防禦使 是歲八月以崔渙爲江東採訪  
防禦使按韋陟傳永王兵起授御史大夫江東節度  
使其與來瑱高適同盟載書稱淮西節度使瑱江東  
節度使陟淮南節度使適是江東置節度亦在至德  
二載表何以不書

乾元元年置浙江西道節度兼江寧軍使治昇州尋徙  
治蘇州 按舊本紀是年三月江南置節度使不言  
治所亦不知除授何人十二月以昇州刺史韋黃裳  
爲蘇州刺史浙西節度使此浙西節度治蘇州之證  
黃裳旣自昇移蘇或在昇時已領節度故表云治昇

州徙治蘇州也乃次年六月顏真卿除昇州刺史充  
浙江西道節度使上元元年正月侯令儀除昇州刺  
史充浙江西道節度兼江寧軍使則是治蘇州未幾  
仍治昇州表旣闕而不書而表云乾元二年廢浙江  
西道節度者亦未足漢信也

置浙江東道節度使治越州 乾元二年除呂延之上  
元元年除趙良弼

置洪吉都防禦團練觀察處置使兼莫徭軍使 按地  
理志洪州有南昌軍乾元二年置未見有莫徭軍

三年沔州隸鄂岳節度 是年置鄂岳都團練使非節

度也永泰元年表云斬黃二州隸鄂岳節度其失與此同

上元二年浙江西道觀察使徙治宣州罷領昇州是年正月除李廣瑛宣州刺史充浙江西道節度使時劉展初平省昇州入宣潤二州故移節度治宣州不云改爲觀察也至大歷初韋元甫李栖筠始稱浙西團練觀察使

廣德二年廢東川節度以所管十五州隸西川節度時嚴武爲劔南節度使兼領兩川

洪吉都防禦團練觀察使更號江南西道時張鎰爲

觀察使

大歷元年復置劍南東川節度使 吐鴻漸以副元帥  
領西川節度仍分置東川節度令山南西道張獻誠  
兼領之

浙江西道觀察使罷領宜歙二州 此後觀察使韋元  
李栖筠李涵李道昌皆帶蘇州刺史蓋徙治蘇州而  
表亦失書

復置宜歙池等州都團練守捉觀察處置使 以陳少  
游爲之

一年廢劍南東川節度置都防禦觀察使兼靜戎軍使

治遂州尋復置節度使治梓州 是年除遂州刺史  
杜濟劔南東川節度觀察等使表云廢節度復置益  
杜濟先除防禦而後進節度也其明年鮮于叔明代  
濟爲東川節度使遂州刺史則其時尚治遂州未幾  
移治梓州乃兼梓州刺史也

五年廢浙江東道節度使置都團練守捉及觀察處置  
等使 是年浙東觀察使薛兼訓移鎮河東以陳少  
游爲浙江東道團練觀察使俱不稱節度

六年廢福建節度使置都團練觀察處置使 按舊本  
紀大厯四年已有福建觀察使李承昭

十四年合浙江東西道置都團練觀察使 表不著治所蓋仍治蘇州也

廢宣歙池觀察使置團練使 按舊本紀是年六月罷宣歙池鄆岳沔二都團練觀察使此置字衍文

罷鄂州觀察防禦使 防禦當作團練

建中元年分浙江東西道都團練觀察使爲二道 所西觀察蓋以韓滉爲之

二年合浙江東西二道觀察置節度使治潤州尋賜號鎮海軍節度 是年五月加蘇州刺史韓滉檢校禮部尚書潤州刺史充鎮海軍節度浙江東西道觀察



處置等使始自蘇州徙治潤州

四年升江南西道都防禦團練觀察使爲節度使以

嗣舊王臯爲之舊本紀在三年十月

與元元年升壽州團練使爲都團練觀察使領壽濠廬  
三州以張建封爲之濠當作豪

貞元元年廢江南西道節度使復置都團練觀察使  
曹王臯移鎮荆南以鄂岳觀察使李謙代之不加節  
度

三年分浙江東西爲二道復置浙江西道都團練觀察  
使領潤江常蘇杭湖睦七州治蘇州是歲韓滉卒

不除節度以白志貞爲潤州刺史浙西觀察使皇甫  
政爲越州刺史浙東觀察使表不云罷鎮海軍節度  
者史文之漏也其下一格當云復置浙江東道都團  
練觀察使領某某州治越州而今無其文又是年復  
置宣歙池觀察使

以劉贊爲之

而表亦無之皆傳寫脫之

也此後白志貞王緯李若初李錡除浙西觀察俱帶  
潤州刺史則其時尚治潤州表云治蘇州亦誤

四年廢壽州都團練觀察使爲團練使 張建封遷徐  
泗豪節度使因去都團練之號仍爲本州團練也

十五年置安黃節度觀察使治安州 以伊慎爲使十

九年賜軍號奉義以寵之

十六年置舒廬滁和四州都團練使 按舊本紀元和二年停舒廬滁和四州團練使表旣書置團練於前而不書罷團練于後亦疏漏也

元和元年罷奉義軍節度使升鄂岳觀察使爲武昌軍節度使增領安黃二州 是歲伊慎入朝因除鄂岳

沔觀察使韓皋爲鄂岳蘄安黃等州節度使兼領之

而省安黃節鎮也

順宗實錄永貞元年五月以韓皋爲鄂岳觀察武昌軍節度使似武

昌軍先已有之

二年升浙江西道都團練觀察使爲鎮海軍節度使

時李錡由浙西觀察進節度使錡反以李元素代之  
四年廢浙江西道節度使復置觀察使 按元和三年  
韓皋自武昌移鎮海軍節度浙江觀察使仍帶節度  
其五年坐事奪一月俸料史但稱浙西觀察蓋已罷  
節度使額矣

五年罷武昌軍節度使置鄂岳都團練觀察使 按元  
和三年韓皋移鎮當以都士美代之五年士美授河  
南尹而呂元膺代之紀傳稱士美爲鄂岳觀察使似  
元和三年以後武昌已無節度之名

六年浙西觀察蔡勣領鎮海軍使宣歙團練使罷領采石

軍使 按是年十月詔諸道都團練使足修武備以靖一方而別置軍額因加吏祿亦既虛設頗爲浮費其潤州鎮海軍宣州采石軍越州義戎軍當作洪州義勝南昌軍福州靖海軍地理志作寧海軍等使額並宜停表惟載鎮海采石二軍餘皆無之

大和九年復置鎮海軍節度使數日廢旣而復置踰月又廢 按大和八年十一月以李德裕爲鎮海軍節度使浙江西道觀察等使九年四月德裕爲太子賓客分司東都而除賈餗浙西觀察代之此一置而一罷也是月賈餗拜相以路隨爲鎮海軍節度浙西觀察

、察等使七月隨卒以崔郾爲浙西觀察使此再置而再罷也數日當爲數月傳寫之謬

大中元年復置武昌軍節度使 是年宰相盧商出爲鄂岳觀察使加節鎮以寵之狀敬宗寶歷初牛僧孺亦以宰相出爲武昌軍節度表却闕而不書

二年罷武昌軍節度使 按盧商鎮武昌至十二年始以疾求代而張毅夫代之則武昌節度之罷似當在十二年以後表乃云二年罷節度四年復置六年又罷所未詳也

咸通三年置鎮海軍節度使 按宰相表咸通四年五

月杜審權檢校吏部尚書同平章事鎮海軍節度使  
表書置節度於三年舊本紀在五年又不書節度皆  
互異

八年廢鎮海軍節度使 審權除尚書左僕射以楊收  
爲浙西觀察使代之

六年升江南西道團練觀察使爲鎮南軍節度使 以  
嚴譔爲之

十一年置鎮海軍節度使 宰相表是年九月曹確檢  
校司徒同平章事鎮海軍節度使舊本紀不書節度  
而書觀察又乾符元年二月趙隱檢校兵部尚書鎮

海軍節度使舊本紀不書節度而書都團練觀察至五年除高駢乃稱節度使

中和三年升浙江東道觀察使爲義勝軍節度使以劉漢宏爲之

光啟三年改義勝軍節度爲威勝軍節度時董昌逐劉漢宏自稱浙東觀察使因改軍號寵之

文德元年置忠國軍節度使治湖州以李師悅爲之復置武昌軍節度時杜洪據鄂州自稱留後因以武昌軍節授之

龍紀元年置杭州防禦使以錢鏐爲之



復升江南西道觀察使爲鎮南軍節度使 以鍾傳爲之

景福元年置龍劔節度使領龍劔利閬四州 以楊守貞爲之

升宣歙團練使爲寧國軍節度 以楊行密爲使據行密傳及通鑑則寧國軍之置乃在大順元年與此不合行密已得淮南表田積爲寧國軍節度守宣州二年升武勝軍防禦使爲都團練蘇杭等州觀察使尋廢徙鎮海軍節度使治杭州 是歲閏五月以武勝防禦使錢鏐爲蘇杭觀察使九月以鏐爲鎮海軍節

度使鎮海軍本在潤州今以杭州刺史兼之

乾寧三年改威勝軍節度爲鎮東印度 是歲錢鏐討

董昌克之朝廷除宰相王搏爲威勝軍節度使旣而  
兩浙吏民上表請以鏐領浙東乃改軍名鎮東令鏐  
兼領之

四年置武信軍節度使領遂合昌渝瀘五州 王建旣  
得東川析置此鎮以其養子宗佶爲節度

升福建都團練觀察處置使爲威武軍節度使 以王  
審知爲之据審知神道碑蓋兼領三司發運等使

天復三年廢寧國軍節度使復爲都團練觀察使 楊

行密攻田頔殺之以臺濠爲宣州觀察使

天祐二年置歙婺衢睦四州都團練觀察處置使 此  
楊行密所置以陶雅爲之

方鎮表六

天祐十載置安南管內經略使領交陸峯愛驩長福祿  
芝武義演武安十一州 自天寶至至德有郡無州  
表當書郡名不當書州名也又按地理志演州貞觀  
中廢廣德二年析驩州復置則天寶中不當有演州  
志與表當有一誤

至德元載升五府經略討擊使爲嶺南節度使 唐會

要至總二年正月賀蘭進明除嶺南五府經略兼節度使嶺南自此始有節度之號表列於元載與會要小異進明亦未之任也

廣德二年改安南節度使爲鎮南大都護都防禦觀察經略使 按地理志至德二載改安南都護府曰鎮南都護府蓋肅宗惡祿山凡郡縣名有安字皆易之不應至是乃改鎮南也

大歷元年置鎮南曰安南 據地理志在三年

四年湖南觀察使徙治潭州 舊本紀是年二月以湖

南都團練觀察使衡州刺史韋之晉爲潭州刺史因

是徙湖南軍于潭州

置辰溪巫錦業五州都團練守捉觀察處置使按舊

本紀大歷十年龍辰錦溪獎五州經略使復隸黔中

表却失書獎州即業州也平州後改澉州

十二年置黔州經觀察使以李國清爲之

元和十五年廢邕管經略使以高蠻傳致之蓋罷邕

管入容管以嚴公素爲容管經略統之

長慶二年復置邕管經略使以崔結爲之

咸通三年分嶺南節度爲東西道改嶺南節度爲嶺南

東道節度時韋宙爲嶺南節度使改稱東道

據通鑑

舊本紀謂是年以邕管經略使鄭愚充嶺南東道節度使以宋戎爲領南西道節度皆非也

升邕管經略使爲領南西道節度使增領蒙州 蒙當爲象字之譌據通鑑及舊本紀是時嶺南西道增領龔象藤巖四州表祇載象州未免漏略矣嶺南分鎮之議起於邕管經略使蔡京朝廷因以嶺南西道節度授之其年京爲軍士所逐以鄭愚代之明年愚請代乃除康承訓五年承訓罷又除張茵

七年升安南都護爲靜海軍節度使 以高駢爲之

中和三年升湖南觀察使爲欽化軍節度 閔頊白觀

察加節度使通鑑作閔勗

光啟元年改欽化軍節度爲武安軍節度使 通鑑在  
二年改僖宗紀光啟二年淮西將黃皓殺欽化軍節  
度使閔勗昭宗紀景福二年鄧處訥陷潭州欽化軍  
節度以周岳歿之至乾寧元年始稱武安軍節度使  
鄧處訥則是武安軍之名當改于乾寧元年矣

大順元年賜黔州觀察使號武泰軍節度 以王建肇  
爲之黔中置節度始於是年而通鑑稱至德元載升  
五溪一程略使爲黔中節度似未朕也舊史僖宗紀光  
啟元年有保鑾都將兼黔中節度觀察使曹誠三年

有保鑾都將黔中節度觀察使李鋌

乾寧二年賜嶺南東道節度號清海軍節度 是歲以

嗣薛王知柔爲清海軍節度使知柔薨徐彥若代之  
彥若卒遂爲劉隱所據

四年升容管觀察使爲寧遠軍節度使是歲特置此軍  
以河東大將蓋寓遙領節度使天復元年以董彥弼  
爲節度亦不之鎮

光化三年升桂管經略使爲靜江軍節度使 按昭宗  
紀乾寧三年安州防禦使宣晟陷桂州靜江軍節度  
使周元靜部將劉士政歿之乾寧紀元在光化之前



似靜江軍號先已有之

天復三年武泰軍節度徙治涪州 黔中時爲王建所  
併以養子宗本爲武泰留後宗本言黔州地多瘴癘  
請徙治涪州

唐書十

廿二史攷異五

錢大昕學

宗室世系表上

代祖元皇帝諱昺 代祖卽世祖避太宗諱也諸紀傳

仍書世祖無定例高祖紀昺作昞

宗室世系表下

太宗十四子長曰恒山愍王承乾 太宗諸子傳作常

山愍王

目錄同李道之李載義傳俱云恒山愍王

按地理志鎮州常山郡

本恒州恒山郡元和十五年避穆宗名夏傳稱常山

愍王者後人追改之也

宰相世系表范陽李氏自云常山愍王之後

顏景

卿安祿山史思明諸傳稱常山太守皆從追改之名  
惟明皇紀書恒山郡太守顏杲卿此當時本稱也舊  
鎮鎮冀傳自李寶臣至王承宗皆書恒州自王廷湊  
以後乃書鎮州甚得史法惟載李絳鎮州世相繼一  
語亦當作恒字偶未檢照耳薛稷傳伯陽子談尚恒  
山公主公主傳作常山公主談亦作譚亦一從本稱一從  
改名

定著三十九房終唐之世有宰相十一人鄒王房有林  
甫回鄭王房有程石福小鄭王房有勉夷簡宗閔恒  
山王房有達之吳王房有峴惠宣太子房有知柔

按表書宰相之例必云相某宗如程字表臣相敬宗  
石字中玉相僖宗之類是也獨太子太傅同平章事  
福不云相僖宗而宰相表亦無福名攷福本傳初拜  
劔南西川節度使同中書門下平章事後爲山南東  
道節度使以勞檢校司空同中書門下平章事蓋唐  
自中葉以後節鎮加宰相銜者極多謂之使相亦稱  
外宰相非眞宰相也鄭畋傳陳敬瑄欲以官品居宰  
相上嘆曰外宰相安得論品乎  
卒不肯方技桑道茂傳李鵬爲盛唐令道茂曰君位  
處其下止此而冢息位宰相次息亦大鎮子孫百世鵬卒後  
石至宰相福歷七鎮諸孫通顯云此可證福之未嘗

入相而世系表以福列宰相十一人之數誤矣又攷定州刺史房有麟相肅宗此則十一人之一而計目轉不及焉或當數而不數或不當數而數甚矣其舛也

宰相世系表一上

裴氏 宰相十七人南來吳有耀卿行本坦中眷有光庭遵慶樞贊 按僖宗朝宰相坦系出中眷非出南來吳此必因南來吳裴亦有名坦者故致誤爾南來吳之裴坦官太平令未嘗任宰相也

劉氏 宰相十二人彭城房有滋文靜瞻尉氏房有仁

軌璩臨淮房有禕之南陽房有洎廣平房有祥道景  
先從一丹陽房有鄴南華房有晏河南劉氏宰相一  
人崇望 按宰相表有劉幽求相睿宗元宗表失載  
其世系

宰相世系表一下

陳氏 齊王建爲秦所滅三子昇桓軫軫楚相封潁川  
侯因徙潁川稱陳氏生嬰秦東陽令史嬰生成安君  
餘 陳祖范曰按戰國策軫本秦人史記軫與張儀  
俱事秦惠王惠王在位日久歷四王而後至始皇始  
皇二十五年始滅齊遷王建於共年代相去若此安

有建生彰之理邪嬰之爲衆推戴也其母云自吾爲  
汝家婦未聞汝先古有貴者若嬰是楚相子齊王後  
母言不符矣嬰與餘同時起兵嬰東陽人餘大梁人  
一屬項一佐趙安有一家父子之理

準字道基晉太尉廣陵元公生伯珍建興中渡江居曲  
阿新豐湖生匡二子赤松世達 按陳書南史本紀  
俱云準生匡匡生達此表以匡爲準孫與前史異世  
達單稱達者疑避唐諱

文讚三子談先霸先休先談先梁東宮直閣將軍義興  
昭烈公 按陳書高祖之兄名道談不名談先道談

始贈長城縣公繼贈義興郡公改始興郡王史從其  
後封當云始興王不當云義興公也

宰相世系表二上

杜氏 秀二子果皎皎生徽隋懷州長史豐鄉侯生吒

淹

吒即如晦之父也

按舊唐書杜如晦傳曾祖皎當是周

贈開府儀同三司遂州刺史高祖徽當是周河內大

守祖果周溫州刺史入隋工部尚書義興公周書有

傳父宅隋昌州長史新書如晦傳亦云祖果有名周

隋間是果爲如晦之祖審矣表乃以果與皎爲昆弟

是不狀也周書杜果傳云祖建魏輔國將軍贈豫州



刺史父皎儀同三司杲果字形相似又是雙聲故陳  
果仁一作杲仁薛仁杲一作仁果此杜杲卽杜果也  
其祖名建與唐表傳亦互異又攷舊書淹傳祖業周  
豫州刺史父徵河內太<sub>守</sub>似淹與吒卽吒字非親昆弟  
史文之乖刺如此

元穎元絳下空一格 按審權卽元絳子中間不應空  
格又據舊史審權與蔚均爲元絳之子表別列蔚於  
元絳之左且比元絳超一格亦恐誤也

杜氏宰相十一人如晦淹元穎審權讓能黃裳佑宗正  
倫鴻漸暹 按宰相表有杜景佺相武后

隴西李氏宰相一人。大房有迴秀姑臧大房有義琰  
蔚揆逢吉丹陽房有靖昭德又有道廣元紘晟趙郡  
李氏宰相十七人南祖有游道藩固言曰知敬元紳  
元素東祖有絳嶠珏西祖有懷遠吉甫德裕遼東有  
泌江夏有鄺礪漢中有安期 按高宗朝宰相李義  
府自言系出趙郡文宗朝宰相李訓揆之族孫武宗  
朝宰相李讓夷系出隴西又武后時有宰相李景諶  
表失載宰相表又有李忠臣李懷光二人皆叛臣故  
不敘其系

宰相世系表二中

太原王氏 霸字孺仲居太原晉陽生成咸十九世孫  
澤字季道鴈門太守 按王霸被徵在後漢之初而  
季道兄弟總角爲郭林宗所知林宗卒於建寧初距  
光武初僅百三四年而自霸至澤傳世二十此理  
之必無者

昶二子渾濟渾晉錄尚書事京陵元侯生湛字處沖汝  
南內史 按晉書湛爲渾之弟濟則渾之子故濟稱  
湛爲叔此表差誤

王氏 宰相十三人琅邪有方慶與搏璿太原有溥縉  
珪涯駿播鐸京兆有徽德眞 按宰相表有王本立

王父善皆相武后表闕其世系華陰王氏有孝傑已見於表而計目不及何踈漏至此

魏氏 萬生芒季季生武子皐皐生悼子悼子生昭子絳 按春秋傳絳諡莊子其諡昭者乃曼多也表据史記與左氏異

潛字蘊華子敖 沈炳震曰舊書魏謩傳潛于敖甥後琮爲相潛歷顯官琮謂于琮敖之子於潛爲中表舊書傳誤以于作子表遂列敖於潛下以舅爲子誤之甚也

氏 大雅字彥宏彥博字大臨彥將字大有 按本

傳大有字彥將歐陽公集古錄疑其事謂兄弟義當一體而名大者字彥名彥者字大不應如此洪景伯始攷正之云顏魯公作顏勤禮碑敘顏溫二家之盛云思魯大雅俱仕東宮愍楚彥博同直內史游秦彥將皆典祕閣是彥博彥將皆以彥配名惟大雅異復攷大雅撰唐創業起居注書隋煬帝遣使夜至太原溫彥將宿于城西門樓上首先見之報兄彥宏馳以啟帝帝方卧聞而驚起執彥宏手据此則溫氏昆弟皆以彥爲名明矣而此書首題大雅奉勅撰又顏碑有云大雅其故何耶蓋唐之孝敬皇帝諱宏如徐有

功本名宏敏緣避諱遂以字行大雅生在孝敬之前  
後世追改之故稱其字爲名如晉書不云劉淵而云  
劉元海不云石虎而云石季龍也

宰相世系表二下

褚氏 宋共公子段字子石食采於褚其德可師號曰  
褚師 此俗生傳會之詞不足信褚師當是以官爲  
氏鄭公孫黑請以印爲褚師杜預云褚師市官是也  
衛有褚師聲子則褚師一官宋衛鄭皆有之

漢梁御史中丞中書侍郎 南史漢作漢褚亮傳作湮  
未知誰是

象太子舍人 舊書褚亮傳象作蒙子見褚亮碑石刻  
正作蒙則象爲誤文也

崔氏 仁師相太宗高宗 按宰相表貞觀二十二年  
正月中書舍人崔仁師爲中書侍郎參知機務二月  
除名流連州自後未有入相之事本傳但云永徽初  
授簡州刺史而已此表高宗二字衍文也

宰相二十三人鄭州有元綜鄆陵有知溫南祖有昭緯  
慎由允警神基清河大房有龜從小房有彥昭羣卿  
青州房有圓安平房有仁師湜博陵大房有元聿損  
鉉元式第二房有拱遠祐甫植第三房有日用 按

表博陵大房有沆字內融相僖宗博陵二房有安上  
字敦禮相高宗造字元宰相德宗皆失舉其目又元  
暉孫渙明皇西狩拜門下侍郎同中書門下平章事  
表但云門下侍郎不云相元宗亦誤也崔氏宰相實  
二十七人

宰相世系表三上

韓氏 宰相四人璦休滉宏 按韓滉傳滉爲浙江東  
西觀察使鎮海軍節度使貞元元年加檢校左僕射  
同中書門下平章事江淮轉運使宰相表不列滉名  
而本紀亦不言加滉平章事蓋方鎮加宰相不得爲



真宰相也韓氏宰相但可云三人不當以混充數

任氏 宰相一人雅相 按宰相表有任知古相武后  
宰相世系表三下

上官氏 楚王子蘭爲上官大夫以族爲氏 按史記

上官大夫乃靳尚非令尹子蘭

樂氏 樂呂孫喜喜生司城子罕 據左氏傳子罕卽

樂喜字表誤以爲二人

孫氏 宰相二人清河有茂道武邑有偃 按宰相表

有孫元亨相武后

趙氏 宰相四人仁本憬彥昭宗儒 按宰相表有趙

隱相懿宗

宰相世系表四上

韋氏 月將以直諫歿中宗朝 按世系表之例書官

位不書事狀而韋月將以直諫歿中宗朝崔泰之以  
職方郎中預平二張崔諤之以商州司馬預平韋后  
功第二盧鼎與起居郎蘇楷羅衮請改昭宗諡曰襄  
此四事者特書于表雖寓褒貶之旨朕一代忠姦當  
褒貶者不獨此四人且月將事已見武三思尹思貞  
宋璟傳泰之諤之見其父知溫傳蘇楷請改諡事亦  
見昭宗紀如增盧鼎羅衮二人名於紀中則此文皆

攷異

唐書十

九

可剛也崔璆相黃巢此何足齒及而表亦書之若云  
以此示貶則唐臣之仕于安史泚巢者不少矣獨書  
璆一人亦非例也崔璆鄭之子其相賊事當附見鄭傳唐彥謙號鹿門  
先生不書於本傳而書於表亦失史法

宰相十四人平齊公房有保衡宏敏東眷有方質逍遙

公房有貫之處厚待價郎公房有巨源南皮公房有

見素駙馬房有溫龍門公房有執誼襄陽

當云小逍遙公房

有思謙嗣立京兆有貽範昭度 据表郎公房尚有

安石相武后中宗睿宗小逍遙公房尚有承慶相武

后實十六人又宰相表有韋琯相宣宗此表失載

郭氏 平王東遷奪號叔之地與鄭武公楚莊王起陸  
渾之師伐周賁王滅號於是平王求號叔裔孫序封  
於陽曲號曰郭公 按楚莊不與平王同時春秋莊  
公二十四年郭公公羊以爲失地之君則其時郭已  
亡矣楚莊伐陸渾之戎又在其後六十九年

武氏 攸宜冬官尚書 外戚傳終右羽林大將軍與  
表異武氏子弟封王者惟攸歸攸止載德三人先歿  
不及削封故表著之餘皆書所降之封於例當矣乃  
攸宜自建安王降息國公攸緒自安平王降巢國公  
攸寧自建昌王降江國公表并公爵亦不書重規已

降封鄆國公矣而表仍書高平王懿宗已降封耿國公矣而表仍書河間王當作河內崇訓已降封鎬國公矣而表仍書高陽王延義已降封魏國公矣而表仍書嗣魏王此又義例之自相違反者也

攸望少府監蔡公 按外戚傳降封葉國公舊唐書作鄴國

嗣宗蒲州刺史管公 外戚傳終司衛卿  
延祚光祿少卿鄆公 按舊書外戚傳延祚本咸安郡王降封咸安郡公與此互異且新舊傳並云重規降封鄆國而表屬之延祚恐誤

宰相五人攸暨攸寧元衡三思承嗣 宰相表又有武  
什方相武后吳氏糾謬書議其脫漏以予攷之什方  
本韋氏賜姓武表雖不啻未爲大失但本表元有兩  
例李世勣本徐氏表從徐氏不從李氏此一例也元  
載本景氏表不別出景氏而于元氏世系之後云大  
歷宰相元載本景氏故不著又一例也此什方者旣  
不入韋氏又不附書武氏之後於例亦未當也

宰相世系表四下

豆盧氏 曾元後魏太保襄城公 按魏書盧魯元昌  
黎徒河人曾祖副鳩什慕容垂爲尚書令臨澤公祖

父竝至大官不言慕容氏之族且是盧氏非豆盧氏  
故沈炳震極詆此表之謬今檢表稱慕容廆弟西平  
王暉生尚書令臨澤敬侯制制生右衛將軍北地愍  
王精降後魏北人謂歸義爲豆盧因以爲氏二子醜  
勝勝子魯元是尚書令臨澤敬侯制乃魯元之曾祖  
也制與副字形相似官與封號又同唯公侯字小異  
明是一人表但脫去鳩字耳慕容出於徒河而魯元  
亦稱昌黎徒河人其爲慕容之支庶亦無可疑魏初  
改姓豆盧猶之改禿髮爲源氏其卑稱盧者必是孝  
文遷洛時改代北複姓因去豆存盧故魏收修史仍

之也宇文泰據關中悉復代北氏族之舊故豆盧寧  
仍稱本氏沈氏謂魯元自姓盧氏與豆盧絕不相蒙  
斯不然矣晉書後燕載記稱慕容麟以兵劫北地王  
精謀率禁旅弑主精以義距之麟怒殺精是精無降  
魏之事北史豆盧寧傳云燕北地王精之後高祖勝  
以皇始初歸魏賜姓豆盧氏蓋得其實又據北史寧  
父萇是勝之曾孫而表以萇爲醜之孫疑亦當從傳  
也

豆盧氏宰相一人欽望 按宰相表有二豆盧瑑相懿宗  
朱氏 宰相一人敬則 按宰相表有朱朴相昭宗



宰相世系表五上

鄭氏 曄生中書博士茂一名小白七子白麟嗣伯叔

夜洞林歸藏連山幼麟因號七房鄭氏大房白麟後

絕第三房叔夜後無聞

按魏書鄭羲字幼麟

即幼麟

父陸生六子羲五兄長曰驎次小白次洞林次叔夜

次連山元和姓纂曄生七子曰白麟小白叔夜洞林

歸藏連山幼麟號七房鄭氏魏書不及歸藏意其後

早絕故乎唐表所載七子惟嗣伯乃小白之子其餘

六人乃小白昆弟而表俱以爲小白子誤矣白麟有

孫道慆爲隨郡太守叔夜子孫亦多顯者表一以爲

絕一以爲無聞似未可信

宰相九人北祖有珣瑜朗餘慶從譙延昌南祖有細  
榮陽有畋滄州有悒 按宰相表有鄭肅相武宗鄭  
縈相昭宗吳氏糾謬數世系表脫漏者惟舉縈不及  
肅亦攷之未審也

宰相世系表五下

渾氏 渾隋左玉鈐衛大將軍 按回紇傳太宗以阿

貪支爲有頌軍衛大將軍皋蘭州刺史阿貪支歿子

回貴嗣

回與同

此表云渾者卽阿貪支也貪渾音相似

阿貪支入官於太宗時表不書唐官而書隋官亦非

是

元慶鎮國大將軍檢校禮部尚書 按回紇傳回貴  
子大壽嗣表以元慶爲迴貴子大壽爲元慶子多元  
慶一世攷路巖撰渾侖神道碑敘其先世正與表同  
則回紇傳誤也

鎬義武軍節度使 按鎬之子侖字復貴咸通初爲義  
昌軍節度使路巖撰神道碑載文苑英華表何以失  
書

獨孤氏 出自劉氏後漢世祖生沛獻王輔輔生蠶王  
定定生簡王丐後漢書作正丐子旗洛陽令生穆穆生度

遼將軍進伯擊匈奴兵敗被執囚之孤山下生尸利  
單于以爲谷蠡王號獨孤部尸利生烏利二子去卑  
猛 沈炳震曰河南劉氏世系云漢高祖以宗女妻  
冒頓其族貴者皆從母姓因爲劉氏左賢王去卑裔  
孫庫仁爲南部大人此又以去卑爲沛獻王之後未  
詳何據大昕按魏書匈奴劉聰傳晉書劉元海載記  
俱云以母姓爲氏且匈奴左右賢王皆以子弟爲之  
去卑旣爲右賢王魏書鐵弗劉武傳作左賢王必係近族此表云  
出於沛獻王者妄也據魏書劉武傳稱左賢王去卑  
之孫北部帥劉猛之從子則猛當是去卑子表以去

卑與猛爲昆弟亦非也魏書官氏志載神元皇帝時  
餘部諸姓內入者有獨孤氏後改爲劉氏周書獨孤  
信傳其先伏留屯者爲部落大人與魏俱起是獨孤  
與匈奴非一種不當牽混爲一

雞田李氏 本河南部落稽阿跌之族至光進賜姓李  
按此表述世系甚略良臣之先世與光進光顏之  
子表皆失載今攷良臣神道碑稱大父賀之貞觀初  
率部落來歸授雞田州刺史父延豐襲雞田州刺史  
以功加開府儀同三司良臣襲刺史肅宗立靈武率  
所部馳詣行在戰有功參開府儀同三司朔方先鋒

左肋兵馬使贈太保生三子長光玘朔方都將次光  
進次光顏又光進碑云嗣子季元河東衙前兵馬使  
檢校太子賓客次燧元陳許節度押衙檢校太子賓  
客次毅元次綬元太原尉次宗元次吉元光顏碑云  
嗣子昌元鄜坊丹延節度使檢校戶部尚書次扶元  
左龍武軍大將軍次繼元太常主簿次誠元湖州司  
馬次建元河東節度右都押衙檢校國子祭酒次興  
元衛王友次榮元右羽林軍統軍檢校左散騎常侍  
次奉元清源丞次播元河東節度押衙左門槍兵馬  
便次安元右軍先鋒兵馬使檢校右驍衛將軍則李

攷異

唐書十

五

氏五世諸牒犁狀可考故史家不可以不博聞也

唐書十

唐書十一

廿二史攷異五十一

錢大昕學

后妃傳

文德皇后長孫氏 父晟字季

作季晟

則天皇后武氏 始士護娶相里氏生子元慶元

娶楊氏生三女伯嫁賀蘭越石早寡封韓國夫人

卽后季嫁郭孝慎前死楊以后故寵日盛徙封榮國

始兄子惟良懷運

當云士護兄子

與元慶等遇楊及后禮薄

后銜不置及是元慶爲宗正少卿元爽少府少監惟

攷異

唐書十一



良司衛少卿懷運淄州刺史它日夫人置酒酣謂惟  
良曰若等記疇日事乎今謂何對曰幸以功臣子位  
朝廷晚緣戚屬進憂而不榮也夫人怒諷后僞爲退  
讓請惟良等外遷無示天下私由是惟良爲始州刺  
史元慶龍州元爽濠州俄坐事死振州元慶至州憂  
死韓國出入禁中一女國姝帝皆寵之韓國卒女封  
魏國夫人欲以備嬪職難於后未決后內忌甚會封  
泰山惟良懷運以岳牧來集從還京師后毒殺魏國  
歸罪惟良等盡殺之氏曰螻以韓國子敏之奉土葬  
祀初魏國卒敏之入弔帝爲慟敏之哭不對后曰兒

疑我惡之俄貶死楊氏徙鄮衛二國咸亨元年卒

按外戚傳始士襲娶相里氏生子元慶元爽又娶楊氏生三女元女妻賀蘭氏早寡季女妻郭氏不顯士獲卒後諸子事楊不盡禮銜之后立封楊代國夫人進爲榮國后姊韓國夫人於時元慶已官宗正少卿元爽少府少監兄子惟良衛尉少卿楊諷后上疏出元慶等於外以示退讓由是元慶斥龍州元爽濠州惟良始州元慶死元爽流振州乾封時惟良及弟淄州刺史懷運與岳牧集泰山下於是韓國有女在宮中帝尤愛幸后欲并殺之卽導帝幸其母所惟良等

上食后寘堇焉賀蘭食之暴死后歸罪惟良等誅之  
諷有司改姓蝮氏絕屬籍元爽緣坐死家屬投嶺外  
后取賀蘭敏之爲士護後賜氏武襲封擢累左侍極  
蘭臺太史令敏之韶秀自喜烝於榮國挾所愛佻橫  
多過失榮國卒后出珍幣建佛廬徵福敏之乾匿自  
用云云后疊數怒至此暴其惡流雷州表復故姓道  
中自經死二傳之文大略相同后妃傳稱楊氏由榮  
國夫人徙鄴衛二國外戚傳但稱榮國不云徙封其  
不同一也外戚傳元爽以惟良事緣坐死后妃傳先  
云元爽坐事死振州後及后毒殺魏國事似元爽別

坐他事誅其不同二也據外戚傳賀蘭敏之死在楊氏卒之後后妃傳敏之死在楊氏卒之前魏國卒于乾封元年在咸亨改元前四年此傳云俄貶死則爲時未久不得遲至四載其不同三也外戚傳后取賀蘭敏之爲士護後當云韓國子而不書者漏也惟良懷運皆士護兄士讓之子兩傳但稱兒子則嫌於后之兄子亦漏也后妃傳一云夫人置酒酣再云夫人怒以上文攷之后母由代國夫人徒封榮國后姊亦封韓國夫人當書姓或書封號以別之不當但稱夫人也

敬業南度江取潤州殺刺史李思文曲阿令尹元貞戰

攷異

死 元貞河間人贈潤州刺史諡曰壯舊史入忠義傳

前鋒左豹韜果毅成三朗爲唐之奇所殺 三朗幽州人贈左監門將軍諡曰勇舊史入忠義傳三朗舊史作郎蓋宋人避諱缺筆書朗爲朗因譌爲郎耳

春官尚書李思文 此又一思文

尊周文王爲文皇帝號始祖妣曰文定皇后武王爲康皇帝號睿祖妣姜曰康惠皇后 按武后紀追尊四十代祖平王少子武曰睿祖康皇帝妣姜曰康惠皇后非武王也吳氏糾謬但云二說不同今斷以傳

爲誤

元宗貴妃楊氏 於是嶺南節度使張九章 按方鎮表至德元載始置嶺南節度使此時似無節度之名章敬皇后吳氏 負姁嫌陋更取宅官兒以進 此事舊史所無新史采柳氏舊聞增入其實無稽之談也唐會要代宗以開元十四年十月十三日生其時肅宗未爲皇太子

宗室傳

畢王瑋生二子曰韶曰孝基 按世系表以孝基入畢王房韶入雍王房又於永安壯王孝基下云嗣王道

立以雍王繪男韶次子高平公繼則韶非畢王子明  
矣

永安壯王孝基曾孫涵贈太子太保 唐會要謚曰元  
雍王繪子贊追爵河南王 唐會要贈禮部尚書謚曰  
德宗室世系表作長平王

淮南壯王道元 宗室世系表及會要俱云淮陽王此  
云淮南恐誤傳云壯王而會要作忠未詳孰是

長平肅王叔良 唐會要叔良謚兩見一云贈左衛大  
將軍謚曰肅一云贈太子太保謚曰靖蓋傳聞異詞  
仁果內史令翟長孫 仁果傳作長孫

長樂郡王幼良六世孫回別傳 按回傳云新興王德

良六世孫世系表又列於長平王叔良下

襄武郡王瑛字仲寶 世系表作惟寶

河間元王孝恭子崇義晦 世系表晦上亦有崇字

淮安靖王神通十一子得王者七人道彥孝譽孝同孝

慈孝友孝節孝義 按本傳道彥封膠東王孝譽高

密王舊書作孝察孝同淄川王孝慈廣平王孝友河間王

孝節清河王孝義膠西王後皆降封公世系表孝友

止稱尚書左丞無封號其封河間郡公者乃孝本也

未知孰是



孝銳不得封有子齊物顯 世系表孝銳子恆農太守

璟璟子刑部尚書齊物則齊物乃孝銳之孫

孝節曾孫嵩 按世系表嵩乃孝節之孫

世祖四子長曰澄次湛次洪次高祖神堯皇帝 世系

表代祖卽世祖四子長高祖次梁王澄次蜀王湛次漢

王洪與傳互異

梁王澄蚤薨無嗣 世系表梁王澄子有彭城王士衍

江東郡王世澄衡山郡王世訓三人又以蜀王第二

子博又繼豈諸子薨絕而後以博又嗣之乎狀澄既

有三子不得云蚤薨矣博又傳亦不言出繼梁王事

蓋表傳之文多不相應

高祖諸子傳

衛懷王元霸以宗室西平王瓊子保定嗣 世系表作

平原王瓊

鄭惠王元懿十子長子璿嗣王爲鄂州刺史 按世系

表元懿止九子無名璿者嗣王乃遂州刺史璜也武

后紀亦稱嗣鄭王璿

號莊王鳳中宗以鳳孫邕嗣王 唐會要邕贈荊州大

都督諡曰景

嗣魯王道堅薨贈禮部尚書 唐會要諡曰忠

弟道遂封戴國公 弟上脫道堅二字

太宗諸子傳

嗣吳王囂薨贈太子少保 唐會要諡曰恭

三宗諸子傳

詔外繼嗣王者皆歸宗乃以嗣江王禕爲信安王嗣蜀

王禕爲廣漢王嗣密王徹爲漢陽王嗣曹王璩爲濟

國公 按曹王明傳神龍初以傑子允爲嗣曹王後

改封傑弟備備薨復封允允薨子戢嗣中間不容更

有璩嗣王爵

世系表  
備作脩

十一宗諸子傳

趙王係至德二載十二月進王趙與彭充涇鄆襄杞召  
興定九王同封 按肅宗紀與係同時封王者八人  
彭充涇皆由郡王進封襄杞召興定皆始封無鄆王  
名又以衛王泌鄆王榮兩傳攷之則鄆王始封靈昌  
郡王早薨寶應元年與泌同追封非至德中封也  
襄王儁子案樂安王 按敬宗子執中亦封襄王其子  
案封樂平郡王兩襄王之子俱名案而封號相似亦  
可疑也

敬宗第二子休復文宗開成二年封梁王第三子執中  
爲襄王第四子言揚爲紀王 以諸傳例之當云梁

王休復襄王執中紀王言揚各自跳行不應附於悼懷之末

宣宗十一子元昭太后生懿宗皇帝 傳兼懿宗言之  
當云十二子宗室世系亦作十一子俱誤

靖懷太子漢會昌六年始王雍與夔慶二王同封雅王

湏大中元年始王 按宣宗紀會昌六年四月辛酉

封子溫爲鄆王漢雍王湏雅王滋夔王沂慶王同時

封王者五人鄆王卽懿宗故傳不及之漢當爲漢字

之譌也

通鑑亦作漢音美

雅王湏之封紀以爲會昌六年傳

以爲大中元年疑傳誤

舊唐書本紀卷一百一十四封而無俱以會昌六年四月封而無

雅王斬  
卽夔也

通王滋會昌六年王夔與慶王沂同封懿宗立滋徙王  
昭宗乾寧三年領侍衛諸軍 按滋與慶王同封已  
見靖懷太子傳而本傳又及之此文之重複猶其失  
之小者攷懿宗紀咸通四年八月夔王滋薨則滋薨  
懿宗朝初未改封通王安得於昭宗朝領軍爲韓建  
所害乎建所殺之通王蓋別是一人而新史強合之  
妄之甚矣德宗子有通王諱意建所殺者諱之後嗣  
王乎舊史昭宗紀不載通王名

濟韶彭韓沂陳延厚丹九王史逸其系胄云 按彭王

惕憲宗子沂王禪昭宗子皆見本卷吳縝已糾之矣  
狀昭宗子冲孺未握兵柄何至爲韓建所忌且禪在  
早十次居第四使建欲害諸皇子又不應舍長而

及幼此理之必不狀者舊史昭宗紀有儀王無沂王  
疑沂乃儀之譌新紀作沂王禪又史家妄益之也通  
鑑攷異二順宗子經封郟王會昌後避武宗諱改郟  
作覃則嗣覃王嗣周當是經之後子謂嗣丹王允當  
是代宗子丹王逾之後嗣延王戒不當是元宗子延  
王玢之後嗣韓王當是高祖子韓王元嘉之後  
元嘉之後改封竊竊宗以寧  
王即位後其故名元宗子有濟王環代宗子有郾王

暹敬宗子有陳王成美此濟韶陳三王疑亦嗣王也

諸公主傳

高祖女高密公主下嫁段綸綸爲工部尚書杞國公

唐會要紀國公段綸諡曰安

紀杞字形相涉未知孰是

太宗女臨川公主下嫁周道務道務殿中少監譙郡公範之子唐會要範贈工部尚書諡曰敬

高宗女太平公主神龍時與長寧安樂宜城新都定安金城凡七公主皆開府置官屬按長寧安樂宜城

新都定安皆中宗女太平則高宗女也神龍朝公主別無封金城者惟高宗女高安公主始封宣城神龍



初進冊長公主實封千戶開府置官屬此金城或宣城之誤

主三子崇簡崇敏崇行皆拜三品 按薛紹子崇簡武攸暨子崇敏崇行當加姓以別之

睿宗女玉真公主始封崇昌縣主 本封隆昌史家避明皇諱追改

元宗二十九女 自永穆至壽安實三十人吳氏糾其

自相違舛今攷唐會要載明皇二十八女永穆

降王

常芬

降張去奢

孝昌

早亮

靈昌

早亮

常山

降薛譚

又唐昌

降薛

鑄

降薛

萬安

入道

寧親

降張

上仙

早亮

新昌

降蕭

高都

降裴

臨晉

惠童

晉

降鄭建平降豆盧達後降貞陽降源清後信成降獨

宜春早壽春降吳澄後入昌樂降寶永寧降裴平昌

降溫西華後降楊微蘇明太華降楊興信本封高陽

封宋國史不云降蘇明樂成降薛新平降裴珣後

廣寧降程昌裔咸宜降楊泗後萬春降楊史合寧親

與興信為一人又多懷思晉康壽安三人子謂公主

早薨者多矣獨晉康公主以明皇女而追封于咸通

之世殊不近情又攷懿宗八女自有封晉康者乃悟

咸通九年追封者必是懿宗之女史家轉寫重複錯

亂若於明皇諸女中除去晉康一人則與二十九人

之數合矣

臨晉公主下嫁郭潛曜 郭當爲鄭字之譌潛曜駙馬  
都尉萬鈞之子

衛國公主始封建平下嫁豆盧建 唐會要作豆盧達  
予謂建平主婿不當名建恐當以達爲正也衛國會  
要作衡國

貞陽公主下嫁源清又嫁蘇震 按蘇訖子震官至太  
常卿彼傳不云尚公主未審卽其人否也

廣寧公主下嫁程昌允 后妃傳作昌裔蓋宋人避太  
祖諱改允爲裔

會要亦  
作裔

壽昌公主下嫁郭液 會要作壽光

順宗女西河公主下嫁沈翬 按郭子儀傳孫銛尚西河公主又云初西河主降沈氏銛無子以沈氏子嗣此傳不書改適郭銛漏也

宣宗女廣德公主下嫁于琮初琮尚永福公主主與帝食怒折匕筯帝曰此可爲士人妻乎夏許琮尚主永福主折筯事又見于琮傳宜刪彼存此

昭宗女永明公主蚤薨 當云薨天祐時舊本紀在天祐三年七月